



浙江圖書館





浙江圖書館



胥溪朱氏文會堂詩鈔卷五目錄

尚胥里派第二十世孫美鏐謹纂

怡谷公二十首

醉廬公五首

莪亭公七首

秦溪公十首

玉溪公六首

升巖公十首

松喬公八首

春山公十五首

笠泉公十首

文圃公一首

認園公三首

香海公四首

蔭山公五首

季吾公三首

琴川公五首

浙江圖書館藏



琴川公五首

蕪山公五首

臨園公三首

笠泉公十首

樹齋公八首

汪澹公六首

蘇亭公十首

計谷公二十首

尚書里旅張二十冊蘇美題續錄

蘇美丑文會堂精說卷正目錄

館香齋公四首

琴音公三首

文園公一首

春山公十五首

代淵公十首

蔡翁公十首

初烈公五首

浙

江

圖

書



胥溪朱氏文會堂詩鈔卷五

尚胥里派第二十世孫美鏐謹纂

怡谷公小傳

公諱佩蘭字曲臺號怡谷龍沙公支十八世孫國子
生父明經省如公有文名先祖先府君兩世請業少
工吟詠富著述與吳上舍應和為莫逆交校選養愚
亭集八卷將付梓而公赴道山矣獨惜公學有本源
孤芳自賞不求聞達於時世亦無伯樂九皋輩鑒其
才力齋志沒後箕裘莫紹贖稟殘編燬棄殆盡天道
有知忍令九原飲恨耶可
慨也夫詩選入馬嘒詩鈔

寶劍篇

洪鑪鍛冶百鍊堅。紅光紫氣騰青天。良工鑄就亦自詡。
錫名兩字曰龍泉。金精雪液蓮花簇。枯蛟出匣明雙目。

蚩尤喪膽厲鬼驚
魑魅潛消罔兩伏
方今天下正清平
賡歌盛德不稱兵
星章忽見春深綠
虹影猶教夜半明
霜鋒凜凜橫衣帶
三尺提攜萬國賴
神物生成豈偶然
看取風雲倚天外

長安道

長安道塵如埽
車輪日夜催人老
麟麟一片聲滿耳
無昏曉
消魂橋畔別離多
柳條折盡無芳草
天涯遊子戀名韁
忘卻風光故園好

雜詩

寓形天地間
出處籌當孰
志願縱或乖
道義深自蓄
勿

忘卻故園風
光何傷若一
卷秋風吟
云則去不可

野無遺賢由
於能知人甚矣
其難矣
在下終此可宜

用人者慎之

以薄俗移素心。回似穀勿以富貴耽貪暴。隨余欲古有
釣渭者一竿聊自足。又有隆中人三顧出茆屋。神龍未
得雲蟠潛等蜩縮。

事豫道乃見。心鄙志則陋。私欲固其胷。昧昧無昏晝。畔
岸兩不知。功業終何就。所以君子行。清心德自懋。決機
於事前。惟義為師守。退思於既往。尚不愧屋漏。小人而
任重。鮮不有傾覆。

秋詞 并序

漢皋江畔珠珮邀郎。清水溪頭金簪贈客。青天
碧海每遺恨。於冰霜白晝黃昏。復奚心於歌舞。

而況刀環望斷羅綺情。遙莫不坐擁銀屏。恐令
春去。身依寶帳。怨望秋來者也。茲成拙句。題曰
秋詞。亦猶南部新書。形之比興。西京雜綴。以
歌謠事屬虛無。筆近江郎之恨。語皆寄托。心同
宋玉之悲。嗟乎南國花前。有客解徵紅豆。西風
江上。何人溼透青衫。陶令清高。曾托言翠黛閒
情之賦。屈原忠敬。亦寓意蛾眉見妒之詞。卽景
抒忱。以辭逆志。含蠟燭燒殘之淚。補春蠶死後
之絲。敢云夢裏因緣。幻作莊周蝴蝶。花前爛漫
榮同。崔珣鴛鴦者哉。偶因酒後之思。添出愁邊

之句

晝漏迢迢畫閣東。重門深鎖繡簾風。含情檢點閒花草。
開到槐黃又刺桐。

芭蕉分綠上闌干。小雨初晴到早寒。記取多情團扇子。
墨痕深淺寫秋蘭。

一寸心期萬里馳。銀河清淺抵相思。長更不耐寒燈小。
添得秋窗月落遲。

征雁哀蛩斷續聞。愁來何處不紛紛。羅衾寬甚新寒嫩。
今夜須將寶鴨熏。

歸風送遠操

鴻雁來兮天隕霜。心搖搖兮思故鄉。鴻兮雁兮高飛翱。
翱江南萬里兮足稻梁。

雜興

館

無才未敢笑彈冠。酌酒花前強自寬。天地寒酸畱我得。
江山風月借人看。十年意氣悲王粲。千古功名愧謝安。
爭似歸來三徑下。孤松盡日獨盤桓。

抱剡耽吟促鬢華。茫茫誰許玉無瑕。敢思奇句昭千古。
祇願成言自一家。青史畱名慙小草。紅顏對鏡幻空花。
故將生計消磨盡。畱得圖書尙五車。

一竿一櫂一漁蓑。釋老何須語妒羅。但不飢寒養泉石。

談何容易

閱歷之言

儘教日月盡消磨。名心淡處知交少。世路難時跋躓多。
安得巨靈施妙術。滔滔逝水挽回波。
第一秋聲滿耳砢。聽來清夜倍關心。花飛蝶夢三更雨。
風擁鯨濤萬頃金。老境漸臻還自惜。愁城未破轉相侵。
來朝扶杖登山閣。閒把新詩伴客吟。

采蓮曲

聲聲唱采蓮。水面涼風起。畫槳入波心。人影到波底。
佳人愛並頭。獨自駕蘭舟。驚起鴛鴦宿。雙雙逐水流。
唱徹采蓮歌。采罷回船立。不覺晚風狂。波濺紅蓑溼。

山行

曲曲通樵徑。環溪抱竹扉。雲深嵐氣靜。風冷鳥聲稀。澗水描人影。山花點客衣。我來閒對此。薄暮欲忘歸。

偕龐柳邨顧位天陳文木家梅溪遊龍井

昔聞惠遠住虎溪。辨才住龍井。坡翁見訪入深山。隨雲曾過風篁嶺。遂令此地名。遠與虎溪永。我來正值春雨晴。千峯新翠如有情。飛泉倒瀉匹練淨。空潭底印澄波。清山靈也解人幽。詠故遣風雨作前導。埽除石磴潔而脩。洗出蒼林美且好。

宸遊於此駐

鑿輿閣中常鎖琅函書。題詩寫畫不介意。卻有神物將

塵。祛。穿。花。過。竹。履。苔。石。忽。見。天。街。高。百。尺。下。視。谿。舂。怪。
石。奇。仰。攀。巖。巖。浮。雲。白。回。廊。窈。窕。抱。層。巔。路。轉。亭。臺。斷。
復。連。城。影。參。差。屏。障。外。湖。光。蕩。漾。曲。闌。前。綠。波。清。淺。涵。
朝。旭。餘。霞。四。照。驚。人。目。氣。象。須。臾。有。萬。千。應。歎。斯。遊。觀。
未。足。信。是。湖。山。第。一。佳。晦。明。俱。可。暘。詩。懷。顧。我。同。遊。皆。
勝。引。林。泉。時。聽。鳥。喈。喈。於。戲。諸。君。意。氣。各。矯。矯。扶。筇。莫。
謂。同。心。少。他。年。縱。得。約。重。來。祇。恐。青。山。笑。我。老。

秋思

開。門。臨。古。渡。吹。笛。不。勝。愁。美。人。隔。秋。水。落。月。在。高。樓。

贈樵叟

山花紅。樵人持斧春山中。山雲白。樵斧伐雲響無迹。樵
風初起卷山雲。山木樵人兩不分。但聽樵歌雲外遠。雲
擁歸樵擔頭滿。借問山中春若何。山深惟有白雲多。

醉廬公小傳

公諱夢麟。後更承修。字文趾。號醉廬。龍沙公支十八
世孫。國子生。早卒。著小窗閒筆一卷。今藏其孫庠生
國經處。

登尖山

歷盡坡塘轉石灣。幾經曲折始登山。中峯喜得蒲團地
坐聽潮聲去復還。

秋柳

白下蕭疎長短條。淡烟微雨黯魂銷。只緣秋老渾無力。
錯認西風解舞腰。

渭城無復舊甃甃。欲折長條已不堪。遊子勸憐青塞月。
數聲橫笛憶江南。

春燕

淡蕩春風度柳梢。燕來重認舊時巢。如何不向朱門去。
翻在茅檐識故交。

暮春

柳絮飄颺落野塘。清和偏愛日初長。游蜂不管春將老。
抱住花枝覓晚香。

莪亭公小傳

公諱錫嘏字敬齋號莪亭龍沙公支十八世孫國子
生公未生而先失怙先曾祖撫育成立先祖為之訓
課昏配性好恬淡不驚利名耽詩酒結社倡和訂莪
亭小草十六卷道光丙戌燼於火惟忘憂草一卷係
未定初稟向存鏐
處得免於厄焉

再遊方園百花零落感賦

重來選勝到君家野樹閒雲路半遮不道尋春春有限
鶯聲啼老碧桃花

西齋

為愛西齋好閒庭半種花夜深明月上疎影到窗紗

舟次楊柳灣憶友人

此地千條柳。年年贈別多。故人何處去。今我復經過。薄
暮山初合。微風水不波。一灣依舊在。相對柰愁何。

煙雨樓有感

停舟湖畔想丰標。又是西風萬木凋。歡會多從愁裏過。
離情不向醉中銷。何人橫笛吹香閣。獨我傷心倚小橋。
觸緒頓生無限思。蒼茫鴛鴦水恨迢迢。

途中逢友人夜話

憶自分襟歲序流。相逢客裏益綢繆。疎燈野店三更語。
綠水春帆一葉舟。月落小窗花影暗。風清古寺梵音幽。
與君且盡樽前樂。莫起湖山兩地愁。

初夏絕句

舍北流泉碧一灣，
棟花風急響湍湍。
柴門盡日支頤坐，
最好青山雨後看。

雨窗

憶昔春情鎖故樓，
金尊絃管醉風流。
可憐一夜東風惡，
吹落紅芳又幾秋。

秦溪公小傳

公諱蘭珍字聘賢號秦溪廷珍公支十八世孫廩生
父西銘公諱光亨乾隆戊午科舉人考入景山教習
選湖南嘉禾縣令未抵任卒貧無一椽公能讀父書
就傅之年偶詠楊花詩得人自雪中歸句師亟賞之
許為後來之秀比長為塾師資束脩以養家如是數
十年門下士往往破壁飛去而公終鬱鬱不得志故

抑塞磊落之氣一於詩
發舒之著秦溪詩鈔

古詩二首

天地非二物。渾然大氣成。譬若一盂內。水與泥俱盈。其
下澄泥沙。其上浮輕清。陰陽互升降。人物乃施生。天地
爲我性。鬼神爲我情。豈獨地以上。細縕皆天行。人心違
天地。鬼神奪其精。鬼神非外來。羌自喪靈明。

地不缺東南。天不傾西北。多水地形卑。多山天體仄。誰
從上古來。親見施神力。鍊石補天傾。斷鼈撐地極。簡冊
貴大意。倫理開知識。四德配四維。五常配五色。手執一
編書。神與千古効。毋謂區區心。翻案逞宵臆。

柳絮

翦翦東風作晚寒。腰支無力倚紅闌。香霏簾蒜。烟卷
冷撲胸襟。當雪看。豈為迷離吹滿店。故教飄泊滯江干。
天涯別恨增何限。化作浮萍欲聚難。

采蓮曲

綠雲低襯額。嬌黃影入花房。影亦香。都是同根生水底。
雙雙怪道宿鴛鴦。

玉壺一片貯冰心。灩灩波光藕自深。祇為玲瓏心樣巧。
絲絲纏繞最難禁。

秋月

月波浸空庭。冒寒忍久立。秋來雲易生。非關愁思集。

嚴陵釣臺

萬壑千峯夾大川。釣臺高並客星懸。潛驅節義風殊烈。
爲薄功名世少緣。同榻故人惟惜別。層天帝座莫驚傳。
我來好采蘋花薦。石上親烹十九泉。

題邯鄲夢圖

世間怪事那有此。五十年來一彈指。紅塵處處盡邯鄲。
爭向夢中尋悲喜。我今五十有四年。有悲無喜夢不止。
試問黃梁孰未曾。無情牛首東流水。明知頃刻夢中人。
孰肯輕拋等敝屣。共道仙人也自忙。出世持世同一軌。

悲歡久暫味不殊。何必飛行超太始。春山滿樓月窺窗。
胷中磊落閱千祀。栩栩閒身等蝶飛。雲房老去誰喚起。
有感和倪高士江南春韻

遙想仙班羅玉笋。宮袍曉惹鑪煙靜。亂紅如雨落江南。
望斷殘花鏡中影。春早一聲啼鳥冷。朝朝修綆汲深井。
松花酒熟好漉巾。弱水蓬萊總隔塵。

聽啞聲催雨急。霜顛撚斷青衫溼。日暮揮戈豈無及。黃
盤波起黏天碧。保障江南百二邑。錦衣石畔排衙立。雄
風若許按青萍。犀甲三千夜埽營。

玉溪公小傳

公諱蘭枝字以三號玉溪廷珍公支十八世孫庠生
乾隆己亥恩科房薦擬元以不得三場卷而止蓋
是科公因病未終場也後屢薦不售遂絕意進取性
孝友弟松喬公官鉛山令蕭太恭人就養縣署歲必
往覲及歸更迭迎養得其歡心松喬公內遷入都送
之河干歸而不怡者累日謂同氣止弟一人今急難
誰呼焉待人伉直胷無芥蒂人故嚴憚而樂親之壽
八十有九重遊泮宮陶情詩酒神明不衰派宗老杜
言皆有物橐藏其家以子葵之官馳封修職郎黃
巖縣訓導後以姪錦琮官晉封朝議大夫江西瑞
州府知府

觀錢氏鐵券歌

金光燦爛鐵昭融。千秋不得埋武功。昔年勅進宋主座。
乾寧寵命何尊崇。五十六載沈渭水。大書深刻無朦朧。
家珍購得漁人手。異哉古質光熊羆。穹如瓦覆廣盈尺。

得失機緣造化通。前代封功重制度。良工仿古嗟難同。
豐城寶劍光牛斗。異物炯炯天地中。何況錫典彤弓並。
掃除妖鳥傳精忠。一時霸業職無忝。累朝食報恩尤隆。
六陵瑟瑟悲風動。潮水依然流浙東。券與列像憑世守。
皎如日月懸長空。人生不朽物不朽。鬼神護之無終窮。

悼子龍德

大造不可問。昊天何茫茫。瓜瓞方離離。不摘一已傷。痛
哉泉下子。秉性獨聰強。孝友敦大節。食報當無量。朝榮
而夕萎。摧折視燭光。趨庭無存影。哀鳥悲空牀。寤寐腸
九迴。晨昏更悽惶。詩書空盈几。聲息渺無方。恫憂歲暮

日○愴○惻○何○時○忘○物○各○欣○時○化○朽○骨○獨○悲○涼○孔○聖○惜○冉○疾○
更○慟○伯○魚○亡○修○短○理○難○明○知○命○愧○傍○徨○

題暮春圖

小○雨○深○林○搏○黍○濃○陰○遠○浦○春○鋤○山○杏○紅○飄○古○寺○一○天○綠○
影○如○如○

草

遠○近○青○連○野○高○低○綠○上○山○屢○經○車○馬○踐○依○舊○滿○人○間○

暮歸

心○是○閒○鷗○隨○地○闊○身○如○逸○鶴○乘○風○長○紫○鱗○欲○跨○來○何○處○
飛○鳥○遲○遲○送○夕○陽○

冬夜有感

海隅翹首盡窮途。長夜淒清月並孤。同氣亦嗟分滅否。

一行飛雁自追呼。

館

從祖升巖公小傳

書

從祖諱春烜字華初號升巖龍沙公支十八世孫國子生少失怙事母至孝好獎人善尤敦族誼嘉慶甲子浙西歲歉邑紳捐貲助賑公念地有遠近米有精粗升斗有大小司事有良莠弊不盡除民無實惠乃議分坊給賑以錢準米前一日按戶給票次日以票領錢五日一賑民不廢業闔邑遵之災黎賴以安者甚眾他如施藥指困折券諸事不能備述性好吟詠著韻玉軒稟以出嗣子方增官累贈光祿大夫內閣學士兼禮部侍郎銜

秋夜懷林梅畦客雲間

情境
五
到

銀漢淡中天。溥溥零露。涼風吹林端。墮葉響如雨。對
茲搖落辰。戚戚添愁緒。佳人在空谷。中懷向誰語。少小
結同心。氣誼共推許。執手如昨日。揮手又遠去。黃鵠本
摩天。豈甘燕雀侶。回憶十年中。與君幾相聚。念我寄瑤
華。所恐道路阻。秋風三泖波。秋月蘆花渚。惆悵扁舟人。
今宵宿何處。

客中憶金懷璞時宦粵西

獨坐蕭齋裏。寒燈照眼明。斯人不可見。孤客若爲情。桂
海三年別。雲逵萬里程。最憐風雨夜。猶憶對牀聲。

自題韻玉軒

碧梧翠竹滿牆東。門掩蒼苔一徑通。睡起愛涼閒獨立。
曲闌香過芰荷風。

池上納涼二絕

館

涼風何處生。露下水邊起。忽看數點螢。明滅紅藻裏。
明月清於洗。微雲淡欲流。池塘風景好。殘夜已如秋。

祐山別墅訪楊鶴年不值

攜杖閒尋楊子居。蒼茫獨立渺愁予。白雲帶雨迷千嶂。
紅葉如花繞滿廬。寶鼎微噴燒臙麝。匡牀橫疊讀殘書。
何時共結漁樵侶。卜築溪山賦遂初。

暮春峴山道中

客路驚春晚。春歸客斷魂。鳥啼煙外柳。花落澗邊春。歲
月空過眼。晨昏想倚門。雲山勞極望。何處是鄉園。

阜林曉發舟中口號

蒲帆十幅送舟行。月暗前邨天已明。啞軋一聲人去也。
綠楊枝上鬧啼鶯。

秋夜有感

空庭木葉落紛紛。銀鴨香殘罷晚薰。窗竹鳴秋宵自警。
草蟲織月曉還聞。酒醒忽憶當年事。夢好難尋隔岫雲。
聽徧江南新過雁。更無人寄錦迴文。

四月十五夜招陳文木孫松亭家漁仲長橋步月

清風卷霧碧天空。遠山沈翠兩三峯。天耶山耶幾莫辨。
掩映繁星光。瞳隴須臾忽湧冰。輪出金精水氣涵雲中。
信步行來不識路。桑麻曲徑板橋通。誰家長笛參差起。
煙樹蒼茫情不窮。此時俯仰景何似。流輝皎皎波溶溶。
散髮披襟學狂客。置身恍在廣寒宮。玉宇瓊樓非可到。
何用入海尋仙節。蕭然興寄形骸適。曠懷直與古人同。
風移萍合本無定。浮蹤相聚如浮蓬。今夜胥溪望明月。
不知後會何處逢。信哉行樂及年少。幾回看月便成翁。
酣唱狂吟夜無禁。霑衣不覺露華濃。興罷歸來還入室。
書窗樓閣一燈紅。

讀詩及此二句
感慨係之音余
隨任在浙尚未
成童於陳臬
重來年已五十
湖山依然人嗟

老 大 情 何 以 堪
勸 君 須 惜 少
年 時 人 當 三 復
斯 語

湖 山 依 然 人 嗟

松 喬 公 小 傳

公諱蘭馨字芬若號松喬廷珍公支十八世孫乾隆
己亥 恩科舉人辛丑科進士吏部稽勳司員外郎
卒於官父東銘公宦湖北致仕歸時公生三年蓬窗
不謹於風得肺疾作即喘就傅時雖過目成誦然每
以疾作廢讀十年五經未卒業也顧同塾為制藝輒
能效之十二出應童子試疾亦少間常恨幼時曠課
思倍功補之夏夜多蟲於紗幮中左執書右持香炷
然一星之火照字閱之其勤學類如此筮仕後講求
經濟不屑屑於風雲月露之詞偶有所作懶不自惜
座師當湖沈文恪公評輯其橐函稱之今藏其家詳
郡志循吏傳以子錦琮官 誥
贈朝議大夫江西瑞州府知府

登 橫 山

折

地 是 逋 翁 宅 詩 登 李 杜 壇 一 言 春 草 句 聲 價 滿 長 安 予
即 高 山 仰 斯 人 再 起 難 羣 書 慙 讀 破 不 敢 上 臺 端

重陽夜不寐

潦倒江湖百感生。登高強自上山城。空思神驥行千里。
愁聽荒雞報五更。旅館淒清秋易老。松風蕭瑟夢難成。
倚閭莫慰慈闈望。每到佳辰倍愴情。

江行雜詠

江行盡日趁和風。估客帆懸十幅同。最是客心看不足。
亂山蒼翠夕陽中。

文溪講堂前梧桐二本予春來院值桐始花秋初
再到時漸有搖落之意因有此賦

梧桐鳳所栖。不與凡材比。韶雅性天然。亭亭蔭書几。雖

當搖落時。瀟灑猶如此。昔人宿曾峯。對花愁頓起。春恨
尙多情。秋悲情何已。日暮朔風寒。雁影孤雲裏。想當桐
始花。流光一何駛。明月上高枝。空庭獨徙倚。

秋感

芙蓉采罷轉孤清。腸斷高樓玉笛聲。仙掌露含花有淚。
藥珠香冷月無情。劇憐南浦佳人意。惟見長天秋水明。
縹緲藍橋雲外渡。年年七夕望盈盈。
深宵寂寂掩柴門。蕉影婆娑浸綠痕。暮雨那堪宋玉病。
秋風空弔屈原魂。窗前索句香浮研。花底迎涼月滿樽。
一種幽懷誰可訴。莫將往事再重論。

登秦駐山

秦皇飛劍抉浮雲望海東來駐六軍蓬島未回童女楫
桑田已起美人墳山有始皇墓祇今報賽隆千載當日巡
遊徧八垠極目遙天秋色老波濤滾滾夕陽曛

春山公小傳

公諱瑞椿字春伯號春山廷瑞公支十八世孫乾隆
丙午科舉人癸丑科進士即用知縣分發福建委署
霞浦患民氣之易動也鎮之以靜除病民之政聽訟
一準乎情廉俸外不名一錢甲寅鄉試調內簾得名
下士十人補永安令時州縣多虧官帑公逆知其將
決裂堅請告病震民不獲見公寄呈去思圖十二幅
以見意前受代時承舊令漏卮稽畱省會眾捐金代
繳并贈路費而還次年魁將軍倫參揭清查一案同
僚半多被累人服其先見焉改補嚴郡教授癸酉解
元余鈞選拔徐發仁方大濟其素所鑒賞者也以疾

歸美繆方纂是集公作序并厥首集未竣而先返
道山矣詳郡志文苑傳著有已刻春山詩存四卷

楊花四首

濃雲十里護長堤。舞態繽紛趁馬蹄。
瀟灑不沾寒食雨。飛颺羞入落花泥。
來如玉屑霏瑤島。去作香蘋滿錦溪。
最是多情凝望處。日斜江上草萋萋。

輕烟漠漠送芳韶。暖雪晴飛雁齒橋。
戲蝶乍迷高下影。游絲斜罥短長條。
三春繡閣風簾卷。千里羈人午夢遙。
回首眉痕初畫日。不因離別也魂銷。

絮自纏絲水自流。并刀難剪是春愁。
曉風榆莢畱青眼。夜月梨花共白頭。
冶袖撲來金翅扇。孤篷卷上木蘭舟。

憑高忽起天涯思。煙樹迷離憶舊遊。

幾日長亭贈折枝。征衣點染感芳時。子規啼落千山月。
風笛吹成兩鬢絲。潔白未因漂泊變。卷舒應問化工知。
一番潤色春光後。空谷行蹤繫去思。

貞女行

并序

女胡氏海寧人。字同邑。沈君未嫁。沈卒。女誓往
守。余聞而義之作貞女行。

女蘿本弱植。依倚青松枝。願言共歲寒。彼此無參差。青
松一朝萎。女蘿終不移。委此顛顛質。托彼枯槁姿。草木
本無情。人心況有知。貞女諳大義。厥在少小時。婉婉聽

姆教幽閒慎威儀。繫昔親在日。掌上珍珠兒。委禽締良
姻。射雀牽紅絲。冰泮尙有待。桃夭未及期。彼蒼何慘酷。
所天遽臨危。一旦凶問至。痛哭摧心脾。九死漸蘇醒。何
以餘生爲。合室相解勸。欲語涕漣漣。兒若有父母。當告
嚴與慈。兒今無父母。伯叔實主之。兒旣許沈氏。生死無
分歧。沈氏子旣亡。兒心豈差池。誓當歸兒家。魂魄相追
隨。合卷長已矣。同穴終不違。伯叔聞此言。猶豫而狐疑。
兒雖許沈氏。彼此未結褵。兒今不適彼。於義亦無虧。貞
女得聞此。頓足大傷悲。兒今立此志。日月共鑒茲。長者
不我許。兒死無他辭。伯叔知女意。百折不可回。爰乃告

媒妁之子沈氏歸毀面去紅妝截髮斷翠眉寶鏡委塵
函雲輶駕素帷入室悲形影麻衣拂素綬誰爲洞房曲
但聞薤露詞誰爲共牢禮但見祭奠杯誰爲合歡燭慘
淡白琉璃誰爲同心帶丹旒雜總旗遺挂在蘭房物是
人已非春秋有代謝天地無傾欹天長與地久此心不
自欺嗟嗟貞女節金石詎過斯從來伉儷恩好合情相
持兩姓不一面情亦何所施而乃懍大義此心無險夷
足使行路人流連垂涕洟足使千載下聞風思攀追慕
義發長詠據實堪詳稽畱此告彤史輶軒庶不遺

灤陽夜月

時隨宗伯鐵冶亭
夫子扈蹕熱河

爽籟澄空碧。溪雲萬疊開。月隨山影落。風挾樹聲來。客
思先秋動。吟情刻燭催。庭階如積水。閒步看龍媒。

灤陽秋懷三首

重至熱河作

天淨暮霞消。山居氣沈寥。風添鷹翮健。秋入馬蹄驕。物
候閒中覺。家園望裏遙。枚乘空有筆。孤負曲江潮。
絕塞疎鄉夢。燕臺眷舊遊。月依孤館客。露溼萬山秋。人
意清如許。天河淡不流。尺書遲彼美。飛雁下沙洲。
習靜空齋裏。心虛眾妙該。秋聲穿樹出。雲氣隔山來。室
暗潛行蠹。庭荒不翦萊。半輪遼海月。流照伯牙臺。

西清退食卽事

時咸安宮教習

鳴鳩穀穀絮罪罪。婪尾春深換袷衣。退食西清無個事。
細研花露寫靈飛。

霞浦紳士公贈頌聯詩以答之

父嚴猶易父慈難。姑息非慈在克寬。一片婆心勞寤寐。

新添白髮上朝冠。

忝承慈父之稱故云

崇慶州牧常君理齋殉節詩

并序

君諱紀字徽廷承德進士令西充大兵征金川
檄赴軍中管理糧餉有功陞崇慶州牧癸巳六
月降蠻畔亂君手刃數賊被創以死事聞

恩卹道街建祠

初秋夜坐孤燈光。烈風雷雨來虛窗。正襟披誦殉節錄。
忠義鬱勃凌清霜。嗚呼常君一儒士。殺身成仁不畏死。
志行卓立由平時。倉卒捐軀豈偶爾。鍾英山嶽生東遼。
博覽經史當垂髫。慷慨談餘習劍射。酒酣英氣干雲霄。
無端託興見心術。填溢衷腸盡熱血。題詩曾泣費敬侯。
君有題費敬侯墓詩讀史長懷周遇古。
君讀明史周遇古傳成敗臚英豪。拔劍太息天爲高。捧檄西充布惠政。三年
給餉馳驅勞。

朝廷考最擢州牧。感激酬恩志益篤。逆蠻反覆恣披猖。
倉黃轉掠木果木。
地名常君一怒髮衝冠。籌畫應敵憑雕

鞏提刀見賊擊且罵厲聲震野風號寒精忠奮發排海
岱熒惑欃槍三舍退彼眾我寡勢不支可憐被創身首
碎戰袍鐵裂血模糊此日傷心大丈夫萬民愚魯盡泣
下名垂竹帛千秋俱

天家旌忠立祠廟忠魂常與日星耀莫言儒懦皆迂疎
古今青史多忠孝

次三弟 瑞榕 見懷韻

相思遠道意懸懸四壁蛩聲攪客眠寢食關情期暑退

秋風初到枕函邊 弟素體弱每當暑減餐
兄故引領而望秋風也

江靜波澄一櫂安團圓有約喜相看促裝好趁中秋節

丹桂初香月未殘

弟約中秋來
嚴詩以促之

夢中詠梅花

人意妙於淡花香清且閒耐寒疎影瘦祇合在空山

笠泉公小傳

書

公諱奔煌字灑青號笠泉龍沙公支十八世孫廩生
好讀書字法晉唐秋嵐公客星龕稟二册公所書也
族弟昌豫郵寄十絕彙錄
如左主擬附崇雅祠焉

勺園十詠

寄軒

折

俗人喜不到俗塵喜無累靜處得真吾悠然寄所寄

雲巢

我來遊雲巢。巢內誰是主。靄靄白雲封。側耳聽山雨。
得月廊

夜靜山風緊。不知海月臨。虛廊影清絕。射水背花陰。
半舫

穩坐疑天上。開窗景若何。臨風一長嘯。直欲到天河。
雪洞

洞外雪霏霏。洞中人僵臥。門無車馬喧。獨枕殘書破。
貯真閣

客來相對坐。一揖無他語。坐久悠然去。同心是儔侶。
小山叢桂

牆脚石纍纍。聊作小山補。夜來風雨寒。桂子落無數。

放鵬亭

隱居不買山。獨坐清且閒。童子烹茶罷。開籠放白鵬。

翠深處

入門尋竹徑。竹徑曲而深。虛翠襲衣袂。春來弄鳥音。

蕉林

數尺新陰展。秋聲夜夜聽。卷舒隨所性。宜夢不宜醒。

文圃公小傳

公諱瑞樛字雲仲號文圃廷瑞公支十八世孫廩生有肝膽重然諾天資聰穎博涉羣書早卒詩選入馬
皐詩
鈔

學署靈芝歌為何春巢 承燕 廣文作

君不見甘泉產芝歌芝房大赦天下賜雲陽永平前殿
芝煌煌公卿上壽羣稱觴由來此物為禎神瑤光之精
散下方非冀合朔脯扇涼爭先快覩如麇凰武原學舍
小於航中庭修剔芟蕪荒樛經梅雨洗紅芳忽有靈芝
生其旁天生神草人難狀無根采折庸何傷繫之原處
紅絲良斷而復續痕迹亡參成靈異洵非常形如樓閣
森開張色稟天地參元黃玲瓏不作蓮花裝晨昏陰有
浮雲翔時歷五行承雨暘夜應百步生輝光因思神物
不虛望庶徵自古堪推詳瑞紀一尺四寸長盛誇一萬

八千強。或崇經術披琳瑯。或興道學埽秕糠。方今
天子崇文昌。何公化雨來吾鄉。科名草秀當膠庠。人才
輩出何可量。

認園公小傳

公諱瑞槐字槐卿號認園廷瑞公支十入世孫庠生
蕭州判應榭蕭齋詩話云槐卿有神童之譽從祖笠
亭先生令阜平時親受詩法繼遊荆楚幕府性耽翹
檠得金卽付酒家境遇坎軻弗顧也嘉慶丙辰歸里
同余以詩賦受知阮儀徵師作詩援筆立就隨得隨
棄胸襟豪邁貧無立錐地抱酒疾卒於魁星閣遺稿
無存僅記贈
余三首云

鴛湖旅舍贈蕭雨香二首

蕭朱結綬姓名香。此志何緣得再償。知己遇君心總赤。

故人憐我鬢先蒼。一生蹤迹悲王粲。半世功名誤杜康。
同作嫺嬛詩弟子。青衫愧逐少年場。

曾經策馬走燕臺。臺上黃金安在哉。身世皆空休委命。
功名如幻莫論才。三秋氣爽吟壇集。萬斛愁消酒陣開。
獨有荆高儔侶在。醉歌響遏紫雲迴。

南湖秋禊同雨香作

湖煙湖雨散平沙。秋霽添來景物華。一種猩紅可憐色。
誰家水閣海棠花。

香海公小傳

公諱承陸字陞墀號香海龍沙公支十八世孫歲貢
生品端學裕凡邑中義舉規畫盡善胥里祖祠久圯

公創捐重建未及工竣而卒增生
脩撰從兄昌壽踵事落成輪奐逾舊制焉
馳贈

送蓉湖兄秉鐸潛州和鼎實堂卽席元韻

是德鄰皆有于宗此會難
且拌千日醉聊博一時歡
話到燈光燧歸來露影團
王公容脫帽豈爲慶彈冠
寂靜青山裏無營到處安
恩深同重祿腰挺勝麤官
簪笏人情厚飛騰世路寬
應憐繩武者莫慢等閒看

和蓉湖兄畱別元韻卽以贈行

豈以長人官而迷行路難
虛心知有濟藻思莫先殫
坦坦猜忘偶營營影易單
讓人終益我浩蕩海天寬

詠梅

小池照影淨無塵。研北香南冷澈人。湘管吟殘簾外雪。
綠么啼破樹頭春。徐娘老去情猶在。衛玠神清看莫頻。
細雨關山時入夢。覺來紙帳尙疑真。

蔭山公小傳

公諱瑞榕字容叔號蔭山廷瑞公支十八世孫父省
菴先生挈眷隨外舅任生公閩中闕為榕城故命名
焉四歲歸里貌岐嶷書卷過目成誦乾隆乙卯恩
科舉人江山縣訓導修整學宮維持書院士風益上
性友于以舊廬讓諸昆季精岐黃治疑難病
應手而愈引疾歸里著倚雲軒詩草一卷

上巳日同人涉園修禊海昌吳免牀外舅出楊忠
愍公獄中與鄭端簡公書贈其後人 羹和 率賦七

律四首

春光極日滿平疇。郭外名園禊事修。未擬東堂開小會，
卻追南礪憶芳遊。晴郊駐馬浮橋渡，勝地稱觴曲水流。
翰墨爭看遺古迹，椒山往事足千秋。
精神夙昔感蒼穹。百世咸欽勁直風。敢爲批鱗忘帝室，
何須遺膽衛臣躬。投邊素慄秋霜志，誓死常存白日忠。
尙有尺書珍手澤，寄懷端簡意無窮。

古色斑斕展素箋。斯文呵護已經年。縱橫字裏丹心見，
彷彿行間碧血傳。氣貫山河留片牘，節垂金石賴遺編。
迄今已入延陵篋，邀賞名公筆似椽。

訪得滎陽後起人。攜歸故物值良辰。還珠合浦情偏重，

完壁連城寶愈珍。軒號撲巢筵乍啟。亭開喜雨景彌新。
永和佳話今猶在。不羨蓬池招飲頻。

登觀音巖作和竇東皋學使元韻

江壁絕人寰。迴然勢獨聳。靄黷浮碧空。澄波釀頌洞。玲
瓏雙闕排。振衣高眼孔。數峯爭岬立。環視形勢鞏。崎嶇
路自歧。登臨情愈悚。攀援臻絕巘。觀者難接踵。天工造
景奇。怪石列種種。嶺猿聲何哀。野鳥毛始毳。古柏更蕭
森。還丹鍊砂汞。寶氣繞層巒。精光爍瑤珎。夕陽僧寺西。
樓觀疑飛動。莊嚴窺佛相。千嶂相朝拱。棟宇生白雲。岡
巒氣鬱鬱。瞻望正無涯。追轡何倥傯。依稀尋舊徑。四圍

山齊擁。輾轉踏芒鞋。憑眺有餘勇。嵐氣迴霓裳。黛色迷
細茸。忽失千峯青。萬疊翠猶重。瀑布流澗泉。相送辭高
壟。下臨百尺潭。碎湃波濤湧。蛟龍此中潛。俯視皆震恐。
俗慮息。纘紛徘徊竚立竦。

季吾公小傳

公諱瑞。梧字季吾。廷瑞。公支十八世孫。庠生。年未弱冠。卽拔。職文壇。時有辭鳳荀龍之譽。惜亦不永。其年
詩選入馬
嗶詩鈔

和大兄熱河見寄元韻

河干握手送長征。策馬新從塞外行。歷徧關山神益壯。
吟來景物句頻成。聯牀聽雨須他日。兩地看雲共此情。

驛路幾千遙。倡和好將詩律誨分明。

冬夜讀書示弟子

惜分陰自愛三餘。寂寞寒窗夜讀書。片月照來雙眼似
寸心明處一燈如。坐離夢幻無胡蝶。食化神仙有蠹魚。
年少漏長應努力。紛綸卷軸正盈車。

寒窗夜雨

淫霖連日陡生寒。入夜瀟瀟夢未安。滴向空階心并碎。
聽來孤枕漏俱殘。場間穀尙登礮少。市上薪應比桂難。
安得溼雲風卷盡。曉霞扶日海東看。

琴川公小傳

公諱瑞棠元諱瑞桐字同伯號琴川廷瑞公支十八世孫庠生少孤長兄教以成立賦質清純天性肫摯著述秀雅早卒春山公以遺藁數紙命錄入焉

讀兩兄和韻詩天性之真溢於楮墨再成一律

繼述殊難志趣同一官清冷舊家風兩兄皆以知縣改教承先志也月

堂喜得雙珠力附驥慙無片業工荆樹庭前思遠道大

教授嚴州桂枝階下惜芳叢手足五人今失其二念之慨然何堪更聽陽關

唱幾處離愁結寸衷三兄將赴江山教官任

初夏寄懷大兄

鴿原分手柰愁何猶記湖樓一曲歌別兄入載去年鄉試晤於湖樓得睹

近作不道別離纔半載相思已勝隔年多

夢回春草意纏綿。白日看雲懶欲眠。千里寸心何處達。
憑將尺素到君邊。

一封書至報平安。無限殷勤紙上看。愧我疎狂猶似昔。
久拋筆墨到春殘。

聞道朝雲德慧兼。熊羆曾否太人占。他年見面應先賀。
玉樹盈庭喜色添。

出嗣男周康

景岐

校字

胥溪朱氏文會堂詩鈔卷六目錄

尙胥里派第二十世孫美鏐謹纂

恪亭公五首

標謝公二十六首

桂巖公十一首

梅籟公十二首

吟樵公一首

南岳公五首

補堂公三首

桐雨公十三首

秋岳公八首

玉堂公八首

鎮瀾公十六首

海伽公四首

浙江圖書館

胥溪朱氏文會堂詩鈔卷六

尚胥里派第二十世孫美鏐謹纂

恪亭公小傳

公諱中理字燮臣號恪亭可六公支十九世孫乾隆辛酉拔貢生湖南澧州州判澧當洞庭之衝水利為州佐專職加意修築民慶安瀾調補靖州撫綏苗獠民咸向化以外艱去任服闋補粵西下雷遷那地兩州俱係極邊漢夷雜處積誠以治三年報最擢溫縣令撫字四載期實效黜浮華以老乞歸民皆環泣遠送闕去思碑見直道自在民心也退歸林下時新建蔚文書院公為經理定章程人無間言徵鄉飲大賓年逾八旬卒公曾孫庭治呈詩數首錄入焉

畱別那地土州羅牧 元善

衙冷常臨乞米帖 餞行不繪贈錢圖 綠楊影裏鞭絲遠

空谷何人繫白駒

自題桂林抱剎圖

何人投筆覓封侯○怕被人呼馬少游○博得一官似匏繫○
宵隨宦海逐輕舟○

鴻泥半在楚江船○桐柱蒼梧亦偶然○瘴雨蠻煙安粵土○
洛川嵩少喜流連○

賦性由來本樸誠○恆思律已慎維清○三年報最思前績○
每愧平臯有頌聲○

方喜歸田荷笠蓑○階蘭培養竟如何○秋林抱剎長吟處○
望取孫枝作桂柯○

標謝公小傳

公諱丕，基字受之，號標。謝北溪公支十九世孫。乾隆丁卯科舉人，嘗纂三禮解，以經注經參諸儒之說，并附己意，確有可傳。與修邑志，辨吳越分界，金粟古築三十六字，東江故道，皆有根據。顧外喜跌宕，而內務斂抑，邑宰長沙，周公宣猷見公著述，以爲可表東海厚聘，不至泊宰去任，迺詣舟中執弟子禮，以盡知己之誼。公車至京，有以書託其晉謁達官貴人者，下第南歸，以元函復之，詩宗法三唐，導流於明、宋、元之詩，不屑也。性和而介，惜具命世之才，究心經濟，不克見用於世。中年鬱鬱卒，著標謝詩鈔，采入兩浙輶軒錄。

擬古

浮雲離鄉國，東風吹復返。翩翩林間鳥，日暮思故苑。胡然君遠行，車塵隔遙巘。離情日以積，憂來不能飯。萋萋陌上草，灼灼庭前花。花開落何處，草碧天之涯。有

美誰家女。芳年空自誇。誤身遊俠子。夜夜聞曙雅。
危闌出霞表。高樓倚雲端。上有愁思婦。獨撫孤琴彈。悲
泣不自明。絃聲淒且酸。浮雲爲之止。飛鳥相與還。安得
借長風。吹音到邊關。邊關不可到。長路何漫漫。
纖月落西南。流輝不可尋。衆星何厯厯。散布河之陰。深
秋木葉脫。蟋蟀傳哀吟。時序有盛衰。蒼天無古今。豈以
寒暑易。移此草木心。寄言同門子。高舉良可欽。令德冀
有終。惠以瑤華音。

蒼蒼嶺上松。嫋嫋籬下蘿。一朝相比附。纏縣知如何。維
松自有枝。維蘿自有絲。結髮爲夫婦。胡忍悲生離。不恨

相別早。但恨相見遲。秋霜壓蘭蕙。光華非昔時。水落見白石。寄以長相思。

商飈從西來。木葉下高岡。萬物盡枯槁。人壽安能長。榮枯各有託。何必分彭殤。思垂千載名。在生宜自強。柰何隨草木。精英同銷亡。

海山青且迥。連翩遞相屬。山中草木生。歲久紛如束。春歸改故陰。秋至卸新綠。蜉蝣語槿花。年華迫且促。曷不縱情至。相與求所欲。若耶有麗人。被服紈與縠。長嘯氣若蘭。清歌珠相續。坐聽不能言。誰爲辨心曲。願化雙鴛鴦。並向華池宿。

蛩鳴知歲暮。霜落知衣單。居人坐遙夜。何以解憂酸。裁衣寄遠人。衣到春已殘。夢中想所歷。高下多峯巒。良人忽在門。欲語誰能殫。乍見無定蹤。反側失所歡。明明月映扉。照徹淚痕乾。

君子渺天末。悵望不可卽。碧雲漾空際。日暮情無極。何來有美錦。忽墮飛鴻翼。上有雙蟠龍。遊戲溪之側。欲試剪刀裁。使我中心慟。

明月出海上。流輝千里同。佳人居曲房。延佇情彌窮。月光不終夕。桂影忽飄風。展衾夢未成。天際鳴飛鴻。處闇不知晨。居感難爲容。願君廣末照。鑒表貞白衷。

八月十五夜集益德堂

中秋無月使我心茫然賤臣再拜稽首問蒼天何不清
光滿地快人意而乃黑雲黯澹如愁顏風伯雨師爾何
太狡獪彷彿蝦蟆來蝕遭迤邐不然織阿停馭匿西躡
不然嬋娟夜出騰雲輶仲也清狂目前罕其匹無端長
嘯意氣凌雲煙鄰家酒醜直欲當外庫沽得一石聊以
止口涎客來客去不畱亦不速一歌一詠取樂非取傳
大戶繆張與許難角逐可笑不自量力先醉眠我如猿
狙巧避計百出雖不沈湎用心亦可憐獨有吳質多愁
君子虐三梧之後清坐觀躑躑忽憶去年此夜草獻策

但見廊前千朵開白蓮銜枚戰士文陣相馳騁一庭月色不暇多流連今年酒場頗欲張軍待惜無明月與我相周旋惜無明月與我相周旋會須扶桑朝旭然後徹肆筵

落葉四首次許西峯韻

階前樹樹颭秋風落葉飛來類轉蓬萬疊寒烟籠古木
幾分春色染丹楓飄零流水唐宮外嗚咽哀蟬漢殿中
回首韶華何處是可憐蒼翠一朝空

悽惻無端百感深何堪極目更疎林曉風廢苑宮人井
獨夜空山高士琴悵望沅江飛遠檣凋傷巫峽起寒礎

多情爲報悲秋客。年去年來自古心。

四望平蕪劇可傷。鬱蔥幾日變蒼茫。登樓思遠襄珠箔。
臨水將歸渡石梁。殘照空明投浦雁。隔林遙見下山羊。
微霜夜墜青楸老。無限深閨怨落芳。

高枝一葉下江天。是處紛紛盡黯然。新恨乍稀梧苑月。
羈魂欲化紫臺煙。折殘生意曾三月。看到成林已十年。
何似纓皮牛木樹。青花長結鳳雛緣。

訪趙公範舊時月色軒

憑高一望天水碧。冬青樹老花無色。欲訪王孫舊日軒。
銅駝荆棘情何極。當年汴京全盛時。金甌似月盈無虧。

艮岳山頭花欲笑。太清樓上燕來窺。深宮歡樂方未極。
三河檀薊烽煙發。誰憐五國城中人。仰面黃沙泣燕月。
臨安從此遂南遷。半壁山河月不圓。清光流照蘆溝冷。
載月西湖蕩遠天。月圓月缺纔幾度。彈指山河忽非故。
望斷崖山落日淒。夢遊霞嶺西風暮。流離海上聽啼鵲。
半啟軒窗月挂天。眼前城郭清如水。萬里樓臺欲化煙。
軒窗見月月如晝。金波一片催人瘦。天上姮娥倘解愁。
祇愁月色都非舊。吁嗟乎水波東去雁南飛。憑弔興亡
不勝悲。中懷耿耿情何已。自古榮華能幾時。

白沃使君祠迎神送神曲

雲旗兮瑟瑟風旌兮飄飄日縹緲兮未見心懷想兮沈
寥神之來兮乘白馬馳絳闕兮下碧霄揮珠鞭兮一指
東海若兮不敢驕月色兮舊時人語兮樂郊山屹屹兮
水波靜神其降兮逍遙

蘭膏兮照耀檀炷兮芳菲陳吳羹兮越俎啟雲牖兮霞
扉繡幃卷兮神來享鳳簫鳴兮鸞笙吹薦神兮朝日雷
神兮夕暉翠靄兮連浦靈風兮滿旂神威布兮徧澤國
馴海童兮伏江妃聽馬嘯兮城郭永奠年年歲歲兮神
來歸

酬李敬堂

白浪杉青闌蒲帆滯此中與君一相遇雲水淡秋空魚
雁愁中約襟懷夢裏通不忘會合地春雨長烟叢

古寺金沙黯悲歌送夕陽離憂名士潔落魄酒人狂倚
伏誠何意風波愼所將贈言君記取才子謫無妨

自君之出矣

自君之出矣短檠對寒更思君如春草夜逐東風生

柳絮詞

綠柳何年插海東花飛如雪點遙空紅英落盡黃鶯老
舞向高樓一笛風

輕於飛雪薄於烟看送征帆記昔年綠滿江蘋隨水去

春來載酒入遙天

柳枝贈別夢難醒
又見東風舞碧汀
儂意莫嫌輕似絮
郎心無定半如萍

春暮楊花作意狂
春泥黏着也生香
多情只有紅襟燕
銜入盧家玳瑁梁

正月二十五日夢遊天得句

雲爲圃兮玉爲宮
點點輕烟一望中
晦朔月明長夜白

秋冬花暖萬株紅
中本作空公醒後以爲不祥易之是歲竟卒靈運生天果有先兆耶是亦

奇矣

桂巖公小傳

公諱聖基字恒斯號桂巖北溪公支十九世孫庠生
公與弟梅移公俱幼冲失怙能以詩世其家學居貧
株守足迹未至三百里外故名不甚著然兄弟對牀
談詩擁絮食齋自得也或寓研他氏兩入相去亦不
出十里詩筒往來無間旬日所得益多所詣益醇稟
質素弱以久疾卒遺橐藏族兄昌運處選入兩浙轄

軒錄馬
卑詩鈔

詠懷

春光不我畱啼鳥鳴不已灼灼庭前花紛紛點泥滓舞
空亦有情隨風飛不起芳信當乍催番番吐嬌蕊豔色
擷雲霞香氣襲羅綺俯仰生輝光盛顏謂難比胡然成
顛顛芳魂蕩欲死春殘葵風雨春初炫紅紫回首簾前
草青蔥映階肥

与花闲在何處
草碧天之涯
意

有魚潛深淵。有鳥飛茂林。飛潛各順性。物患謂無侵。何
爲隼與獾。搏噬隨相尋。欲逃無靜水。欲徙少美陰。曠觀
任俯仰。惻焉感予心。感心亦何爲。卻坐鳴清琴。

碧雲從何來。當空自飛揚。我有六翮健。曷不凌風翔。高
舉隨黃鵠。天地見圓方。女牀要青鸞。丹穴謁鳳凰。遨遊
九霄上。和鳴叶歸昌。俯首看斥鷃。搶起戀榆枋。

束髮事窮經。所志升天祿。科第笑拾芥。歲月捷轉轂。心
同枯木然。鬢似中書禿。澤民付夢蕉。謀生勞仰屋。囊粟
飢曼倩。綈袍寒范叔。緬懷古之人。長歌以當哭。鷓鴣棲
一枝。鸚鵡期滿腹。

蓬萊幾揚塵。精衛徒爲填。人生本電光。柰何膏火煎。我
廬寄水竹。我心超雲煙。架有千卷書。郭無半頃田。好花
放檻外。小鳥鳴簾前。興到把盞飲。倦來欹枕眠。領茲幽
居趣。不爲外物牽。此外復何有。此中自悠然。姬滿與劉
徹。勞勞求神仙。求仙覓蟠桃。桃熟三千年。

蛟龍本神物。變化何自然。下則蟠九淵。上則騰九天。攫
拏階尺木。膏澤徧八埏。鱗甲炫光怪。見半不見全。風雲
柰未際。屈尾困連連。長在泥沙中。螻蟻相蜿蜒。

烏夜邨懷古

荒郊寂寂消臺榭。何處有邨號烏夜。寶鏡空看明月懸。

宮妝早逐春花卸。城南一望滿平蕪。千古驚心事有無。
霜落疎林秋色冷。啞啞懶復聽啼鳥。

自題風雨對牀圖

秋雨何淒淒。秋風何颯颯。欹枕更闌倦未眠。一窗燈影
橫孤榻。同懷爲問人何處。江邨漁市迷煙樹。縮地雖歸
夢裏家。看雲空寄愁中句。君不見眉山大小蘇。弟兄遠
宦悲殊途。回頭舊約對眠好。中宵風雨影非孤。嗟我年
年離舊宅。兩人溝水東西隔。韶華春負庭花紅。爽氣秋
虛窗月白。歸家時少。別時多。偶爾相逢。翻似客。自憐不
如水中魚。潛淵躍渚。欣相於。更歎不如樹間禽。飛時連。

翼宿同林我獨何爲羈冷館伯仲長睽移冷暖相思魂
欲逐風飛相隔情難隨雨斷拙憐生計負青衫夢怯同
心吹紫管池菴何日舊廬歸如魚相戲鳥相依風榭吟
詩箋鬪麗雨窗繙帙燈分輝朝同處兮夜同卧繩牀終
歲無相違此懷未遂徒生羨明光買得鷺溪緝好手淋
漓爲作圖寫出殷殷心一片一片深心兩地魂展圖相
對孤燈昏連天風雨迷江邨吁嗟乎連天風雨迷江邨

海上懷古

滄波浩浩吹天風石堤互互垂長虹
夔然獨步東門東百端往事交心胷
馬喙旆折師何凶高山流水琴何工

神鞭駕石皇何雄。鑄牛作鎮伯何忠。俯仰千秋誰能窮。
市樓變幻浮雲空。荒郊憑弔心忡忡。可憐姓氏畱蒼穹。
欲往蓬山舟不通。遠山一抹斜陽紅。

構李亭懷古

書

辟塞女陽長已矣。寂寞荒亭存。構李斜陽滿地生。寒煙
吳越興亡一夢裏。當時簡服有謀臣。刎頸胡然傷將指。
三年報越敗夫椒。稽山甲楯保君子。勇哉夫差亦英雄。
力雪父仇誰與比。可憐民力罷姑蘇。不信沼吳由伯嚭。
苧蘿春色入深宮。殺父前言忘在耳。任教往日爲長蛇。
漫說前年作封豕。高堂月冷露沾衣。果否春秋耀軍士。

烏呼勝敗反覆總浮雲。亡亦何哀興何喜。扁舟惜不載
申胥。屬鏤終能及范蠡。我來弔古幾徘徊。蔓草荒苔埋
舊址。千載悠悠無迹尋。多情獨對五湖水。

清暉堂訪裴休故業

君不見真如紺塔凌空起。金碧相輝環遠市。疎磬一聲
出晚煙。輕帆十幅馳秋水。騷人懷古重依依。回首裴公
事已非。欲訪清暉愁不見。梵宮寂寞鎖斜暉。

梅謬公小傳

公諱邦垣。字樹屏。號梅謬。北溪公支十九世孫。庠生。
少孤。性孝友。軀幹魁梧。遇事果敢。笠亭族祖序其詩。
畧曰。灑亭標謝遺。橐皆梅謬收。拾稍存十之二。三。余
方喜吾黨中有梅謬如珊之有網。積玉之有元圃。可

無散失之患。猶記戊子春入城，詣余時內子病篤，不暇劇談。將質以近作，余謂可徐徐以俟。孰知越三日而遽聞惡耗，嗟乎痛哉！如斯人者可聽其隱晦不彰乎？爰訂其集以問世。張徵士燕昌藏其全藁，采入兩浙輶軒錄。

馬嘒詩鈔

詠懷

書

鳳凰翔雲表，鸚雀集籬落。高下雖各殊，志皆有所託。我思阮嗣宗，行蹤何落拓。世亂不可爲，每多感慨作。伊余際盛明，勳業宜自博。不爾歸田園，嘯歌堪娛樂。奚必師昔人，遊神棲寥廓。

折

日落海氣清，遠見蓬萊山。伊人羨門子，招我青雲間。學仙良亦足，自問非所孌。平生有素志，古人相往還。簞瓢

置一室安知鬢髮斑有生必有死天運時迴環悠悠任
天運何須離塵寰

舜華自吐妍不羨松柏青蜉蝣自永朝不知龜鶴齡久
暫匪一致欲駐誰能停曠觀古今達斗室戶自扃一朝
大化至終古何冥冥所留匪形體萬世吐英靈

修竹不銜節美女不銜妝閉戶無一語四海瞻輝光生
人果抱璞當善韞匱藏縱令悲遲暮猶堪貢廟廊嗟嗟
楚卞玉涕泣徒自傷

團扇棄篋中素質克自保夏令倘不易豈能期常好既
敗不足存委之同秋草嗟余區區心順時以為寶願作

團扇藏。莫怨涼風早。

揮戈挽白日。白日不再來。舉劍擊浮雲。浮雲闇不開。幽居不自聊。何以暘我懷。願言登秦駐。峯立何崔巍。長風吹松杪。倒捲海水回。胷襟空萬古。悲歌何爲哉。

自居山水窟。欲發山水音。蕭然屏俗慮。試揮朱絃琴。庭前舞元鶴。泠泠助幽吟。何來超世士。獨坐松樹林。撫琴亦不彈。松風何悒悒。不知天地曠。自覺山水深。萬籟空中寂。悠悠太古心。

少小勤功業。日月疑可駐。中歲誤詩書。彈指忽悲故。躬耕幸有田。負耒習朝暮。豈不惜榮瘁。衣食道當務。籬邊

豆可鋤。圃內瓜堪布。匪以矜高風。聊以保我素。

登永祚寺浮圖

浮圖高與青雲齊。梵王假我升天梯。手扳紅日出木末。
腳踏清風跨紫霓。舉頭遙望層霄外。目窮千里形如蓋。
西北峯巒萬壘深。東南溟渤一椽大。人生事業在凌煙。
平地忽登閬苑巔。仰闕象緯耀日月。俯決雷雨流桑田。
所處益高下愈小。不經造極終不曉。摩天須藉毛羽豐。
鳳凰畢竟異凡鳥。君不見藩籬鸚雀翔高坡。問以蓬瀛
知若何。

海上打漁歌

茅屋三間傍岸欹。石帆巫子碧參差。聞琴橋畔蘆花影。
一片斜陽曬網時。

春日過白巖齋頭賦贈

水映虛窗碧。蕭然景不同。人歸橫釣艇。客至檢詩筒。研
潤藤花雨。簾含竹葉風。我來憐易別。長嘯過溪東。

白燕

素羽翩翩映落暉。巷名未許號烏衣。憐余清況無人伴。
羨爾孤標覺世稀。去日不勞紅綫繫。來時應帶白雲歸。
徒知高潔能招妒。莫傍他家朱戶飛。

吟樵公小傳

公諱蘭芬字行之號吟樵
北溪公支十九世孫庠生

題胥橋送行圖

滄洲小試記當年。柳色鶯聲好句傳。

聖世高才推楚望。先生雅韻繼唐賢。胥溪日暖偏移權。

柘水風和好泊船。回首鹽官原不遠。應憐多士別情牽。

南岳公小傳

公諱樂統後更佐衡字仲衡號南岳可六公支
十九世孫侯選州吏目詩存蕭州判應櫬處

辛巳二月將之山左畱別柞溪研兄作

茅齋剛耐去冬寒。又向春風行路難。一自家貧為客早。
十年三度促征鞍。

杏花春雨宜
於江南若云江
西湖南便不成
話

直北關山記舊游。煙深九點是齊州。預憐驛店鶯啼晚。
滿眼楊花落敝裘。

一曲驪歌不可聽。江亭餞飲莫教醒。臨歧最怕怱怱別。
柰我行蹤似水萍。

亭亭畫舸繫深潭。千里煙波自昔諳。只有相思無限意。
杏花春雨夢江南。

甲申春仲有南越之行誌別諸同研

春色江城似畫圖。那堪欲別忍須臾。離亭未奏琴三疊。
祖餞還傾酒百壺。此日吟詩愁芍藥。他時懷友悵蘼蕪。
何當獨向天南去。蜚雨聲中聽鷓鴣。

補堂公小傳

公諱邦基字補堂三峯公支十九世孫庠生恂恂篤行古道照人創西溪集赴會者數十人皆知名士文壇稱極盛焉南容荆襄東遊齊魯旋里後優游林下邑中推為長者歿後著述散佚僅於趙明經淳履處鈔得三首焉

次青樵叔平陰見贈韻

立馬中峯積翠開
千盤雲路豁詩懷
種花須滿平陰路
封禪還憑茂苑才
日觀風聲迴渤海
天門雨氣壓徂徠
緣知攜得驚人句
暇輒鳴琴上漢臺

題松莫怪大夫多
風雨秦皇警蹕過
東望千山分白練
西來九曲下黃河流
民不用司農繪
循吏能周

理境活潑

聖主波東省荐饑 上命 賑濟民活甚眾忠愛自能孚岳瀆隨車爭看

雨滂沱

自題鷺湖問津圖

籃輿取次度山岑活水源頭好共尋蒙養有時窺聖域
化機隨處見天心器經磨琢形方就耕待菑畚力漸深
一脈相傳堪裕後登堂還許叩遺音

桐雨公小傳

公諱鳴鳳字賡初號桐雨東溪公支十九世孫積學
砥行先府君曾請業焉由廩貢生考取內廷三館
膳錄乾隆戊申預行正科順天舉人湖北建始縣知
縣時教匪滋事派辦軍需盡合機宜嘉慶庚申恩
科鄉試充同考官大府重其才調補來鳳城垣以土
垣禦寇公捐廉易石重建文武城隍各廟檄調至省

清釐積案折獄數月結案千計團案內有要犯屢緝
未得公偵知白蓮餘黨單騎入巢獲解正法調江夏
令升黃州府岐亭同知
入 覲途次冒風卒

示湘蘅同學

館

春風被草木萬彙含華滋川原當于耜布種正因時維
學亦有殖古訓勤畚菑疑義細爬梳奇文常紛披勿若
宋人然助長眾所嗤操觚無率爾理道先尋思立意在
筆先揆藻復摛詞譬彼吳中蠶五采吐新絲譬彼園中
植萬花綴繁枝作者心良苦闕者情始移猗與古先達
照耀光簡碑爾今步後塵皎皎含清姿努力愛春華勛
哉幸勿遲晴窗晷影長庭樹森參差落花飛水面璀璨

皆文辭。願將懷新意。秋成以為期。

題畫扇

長江萬里記曾經。一幅蒲帆挂遠汀。忽憶扁舟停泊處。夕陽近照數峯青。

即事言懷四首留別蘭泉司馬

策蹇都門曙景催。又攜書劍別燕臺。亡羊漫說牢猶補。失馬何堪首復回。千里信音勞遠望。謂平陰叔廿年心事付

寒灰。乙酉至癸卯
八試秋闈矣

聖朝尚有陳詩典。終愧長楊作賦才。

時同人約赴
南巡召試未果

行行且覓舊青氈。白眼相看淚欲彈。賓主東南誇盡美。

文章得失論原難。擁鑪未減清吟樂。剪燭重追暇日歡。
迢遞忽聽雲外雁。思鄉觸忤起無端。時方作南歸計

清燈畫角柰情何。長夜漫漫發浩歌。一夜花開人影瘦。
半庭葉落雁聲多。吟懷每向愁中減。歲序頻驚客裏過。
抱瑟徒工思易轍。顛須折節壯心磨。時思就主簿職

潦倒名場怨不禁。寒林夕照淡成陰。望窮海國三千里。
目斷燕雲一寸心。剡下承歡欣有日。尊前惜別悵於今。
乘風破浪飄然去。夜雨無忘我共吟。

呈牧邨漪川篠素二首

驚看潘鬢二毛侵。客館蕭條感倍深。共道軒窗無俗韻。

可知風月有同心。伴侶和靖應招鶴。歸仿坡仙欲背琴。
何事箏琶偏入耳。高山流水憶知音。

浪遊每恐負平生。且欲橫經事舌耕。舊雨飄零應有我。

名山空洞可容卿。素篠青雲同學看年少。川漪白首交情重。

老成。牧郵慙愧南宮畱滯客。嬾將身世近浮名。

綠萼梅

幽姿淺淡占芳辰。小閣含香別有春。記取一枝顏色好。
碧梧翠竹是前身。

三月六日篠素移寓城南招同人小集賦贈四首
小宅春三月。城南花事初到門。無俗客。列屋有奇書。但

得壺中住何妨廡下居一枝欣可托即此是吾廬

促席成佳會郇廚俊味兼正貪薇蕨羹且食蛤蜊纖大

雅知誰屬歡呼興未淹半窗新雨足草色欲侵簾

去住多非計浮沈劇可憐十年重過訪相對意茫然暮

雨寒燈屋春風獨客顛何時同載酒攜手上吳船

一曲蓬蒿徑蕭然憶故林吾家臨海上日夕可聞琴有邑

琴久滯鄉園夢空懷遲暮心且拌今夜醉同調况知音

秋岳公小傳

公諱泰字聲韶號秋岳北溪公支十九世孫庠生性
樸訥精岐黃嘗愈奇證齋中壘石為山因水成橋栽
花種竹焚香兀坐遇知已輒
浮大白詩宗摩詰放翁諸格

采瓜詞

妾如瓜蒂苦相連。郎似瓜藤遠獨延。妾豈怨郎歸未得。
笑郎不計破瓜年。

擇交

交友須有道。乃能益我身。舉止尙方正。言論矢樸誠。相
規復相勸。德修業自新。若與損者友。患害等抱薪。借甘
償以苦。因貪速之貧。一朝偶失足。回首歎沈淪。爲報薰
心者。今已悟迷津。

秋日過朱西邨先生古田家

昔年高隱雲林境。萬丈紅塵都埽盡。十載瀛洲結社時。

田家自有真
樂董心任官
者不知也

題詩酌酒傲箕穎子孫讀書不求名朝往耕田暮汲井
蕭然一簇十餘家比族而居忘宵警犬吠花間報客來
行到邨前天逾靜夕陽紅葉綴林梢畫出田家暮秋景
喜得荷葉小研因紀以詩

端溪之石膩且澤巧匠琢成荷葉碧形如帖水凝露珠
一朵黑雲浮玉液學海鼓浪騰長鯨文光射斗風雨驚
頃刻芳蕤播馥馥筆花璀璨良田耕

自得

曉起窗前日未烘優游斗室興無窮
簞瓶傾水因防凍繭紙糊櫺爲怯風
靜坐一番娛竹石寄情千卷註魚蟲

年來絕少關心事。疏水依然樂在中。

重九後二日登高

官

秋山淡入畫。秋水淨浮空。倚杖登高閣。遙天見塞鴻。炊煙生屋角。晚磬出林中。憑弔情何極。空懷采菊風。

寫意

圖

風景非猶昔。此身柰若何。家貧來客少。年老慢人多。流水知無盡。夕陽好易過。此中窺底蘊。得意且高歌。

冬夜寄懷錢立齋

浙

冒暑曾經訪。今當雨雪時。歲華驚異候。道誼契相思。坐久燈花燼。更長漏箭遲。懷人耿不寐。枕畔細敲詩。

玉堂公小傳

公諱履中元諱一飛字在青號玉堂北溪公支十九世孫襁褓失怙家徒壁立以諸生遊幕入閩值臺匪滋事兩渡重洋襄理軍務遇颶風經日本泊琉球逗畱羊城五嶺間數月領羅浮煙霧之奇回里得恩貢生自豫章渡長江涉淮揚登泰岱遊大梁畱長安入載館滿洲某氏穆鶴舫相國其弟子也充覺羅官學鑲紅旗教習以知縣分發福建署龍溪令聖吏議遣戍塞外 恩赦回卒於里著有已刻玉堂詩鈔八卷

江行即景

富春江上萬峯攢。雨歇雲飛鏡碧湍。風順直憑帆借力。路迂端為水多灘。新鱗忽跳清波遠。白鷺輕翻暮漲寒。行到花明柳暗處。人人都作畫圖看。

噉荔枝四首

最愛閩鄉玉女嬌

貴耳集玉女荔枝名

年年來泛木蘭橈江家綠

與游家紫

蔡譜以二種為上品

豔色應先比二喬

俗有大喬小喬之目

五月風光次第薰好香爭說馬將軍

報國院將軍荔枝名馬家綠見王十

朋集嶺南應少思鄉客三日猶畱齒頰芬

冰清玉潤味含滋十八真娘未嫁時

蔡譜閩主王氏女行十八好啖此品

因名怪道昭陽新試寵春來風雨害相思

端明學士浪修書紅鹽青煎總不如

蔡譜二種福州舊貢

祇有金

盆充貢後嘗新都是

御恩餘

福州志

國朝康熙間每歲以小株結實者植盆中充貢遂為常制

貞女行 并序

門人任湧聘許氏女未娶湧卒女聞訃立志守貞抱栗主成禮觀者泣下歸二十年而卒

猗歟端淑媛賦性何貞潔少小締姻盟願縮同心結同心結未成英年遽玉折鼓瑟既無聲舉案成虛說女聞黯自傷柔腸寸寸裂雖無一面緣綱常難泯滅上堂拜阿母下堂辭娣姪自謂命不辰泉臺悲永訣堅請就哭臨去華服衰絰之死矢靡他北邙望同穴長齋繡佛前經卷酬夙孽嗟哉未亡人終宵默嗚咽良人杳不見廿載守孤子甲午奔喪甲寅去世貞魂逝九原此心殊卓絕兩世緬

芳型。偕勵柏舟節。

貞女祖母夏孺人姑錢孺人俱早寡

閭里表清操。闔閭範

彤史列矧茲貞淑行。巾幗稱奇傑。采風亦罕聞。入告揚

冰雪。指日

綸音來。弈禩傳徽烈。

書

平臺行 并序

圖

乾隆丙午冬仲彰匪林爽文鳳匪莊大田作亂

北則彰化淡水諸羅南則鳳山琅璫皆賊據惟

郡城鹿港為南北犄角勢楊雙梧司馬率義勇

嚴加防禦厥後官兵雲集羣賊伏誅賦此誌喜

朔風獵獵天地寒。沙飛石走昏煙霽。四野妖氛望無極。

青烽慘淡可憐色。臺陽遠踞海之東。一灣匹練曳空濛。

養鴨小兒跳梁後。

朱一貴素業養鴨後作亂

太平綽有羲皇風。兵不

戒虞民不備。官常吏治如兒戲。深山倏起虺蟲心。鐵騎

突出刀槍肆。木柵堊垣作戰場。銅鉦密鼓喧斜陽。羽書

日馳八百里。心寒膽裂魂飛揚。邨城老幼行不得。人號

鬼哭慘遮日。轟然一炬聲震天。溪流血濺波搖旄。南路

北路千里遙。二廳三縣無纖毫。將軍突怒健兒惱。虎頭

鷺脚

名礮

爭紛囂鹽埕。擊賊賊敗去。

季冬十日柴總鎮以礮擊賊賊敗去

抱

頭鼠竄逃無數。尤憐空郭戍無人。

北路義民李安善克復彰化城無兵畱守

賊仍據之只有青燐自來去。白骨纍纍積故邱。日薄無色雲

容愁不見鳥雀時飛下。但聞狐兔聲啾啾。平沙一望無
垠際。悲風日夜號陰曠。燎原時多野燒紅。番民里社交
驚悸。忽傳內地

天兵來。旌旂照耀殊威哉。移檄大書殲逆賊。翦除梟獍
空山隈。帷幄機籌真莫測。恪遵

睿算尤精密

上面授機宜

命大將軍中

官軍克敵

大里杙

丁未仲冬進勦大里杙獲林逆杙土音畿

霎時撲滅琅璫穴

戊申二月獲莊

逆琅璫山

川黔屯練兵甚精。猱飛獾躍神鬼驚。妖墓欲遁不

能遁。渠魁逆首咸擒生。矯若秋風捲殘孽。枝摧木落荒
沙漠。又若飢鷹搏鳥雀。風毛羽血紛拏攫。氛祲大洗山

海安。蚩氓輻湊歸郊。屢喜報班師。有新令。兵民番勇騰
餘歡。軍聲遠與潮聲接。飛鳶站站翔城堞。紅旗絡繹向
長安。知是營中奏全捷。

天顏有喜被

恩多

俞允入

觀咨干戈。軍行五千餘里外。聽徧鷓兒唱凱歌。

乾清宮引

見恭紀

宮門啟處漏聲長。冠履盈廷夜未央。碧露三霄滋大地。

紅雲一朵捧

當陽經生也得

天顏近

寵命還從草莽將。鵠立于官儀盡肅。曉風時送

御鑪香

鎮瀾公小傳

公諱鯤字靜之號鎮瀾北溪公支十九世孫年未弱冠兩應小試均以筆誤見黜遂棄舉子業為負米計遊幕南閩乾隆丙午孫郡守景燧聘至臺灣適林逆破郡城戕官據署公奮然罵賊遂遇害尸投井中遺橐為同事攜回不至湮沒殆有神靈呵護者與著臺江詩鈔一卷

題沈岱原雪夜讀書圖

寥寥天地心。萬壑積雲陰。小閣書聲靜。寒燈照古今。

新秋和徐學齋先生韻

一雁入新秋。乾坤清氣浮。文章歸學海。道義得名流。痠影霜前鶴。閒情水上鷗。瀛洲何處是。相思觸虛舟。

題山水小景

春寂寂。晝迢迢。樹色涵遠岫。斜陽度小橋。借問竹籬誰卜築。可曾容我讀離騷。

花香時。蝶夢處。青山互古今。白雲自來去。落紅隊裏有人家。消受東風無一語。

金海竹枝詞一百首

節錄十首 金字彙補 與臺同集韻注亦作金

鼓山秀氣接婆娑。白畎關潼鎖碧波。島列澎湖三十六。

荷蘭城外海洋多。黃玉圃赤嵌筆談文公登福州鼓山占地脈曰龍渡滄海五百年海外當

有萬人之郡今歸版圖年數適符全地昔人謂婆娑洋白畎關潼二山為全郡門戶三十六島在澎湖荷蘭國

名即紅毛夷來築全城者見郡志

星度平衡屬女牛。一灣斜抱小琉球。腴田合埭揚州域。

里社年年報有秋。全為越地天文牛女分野禹貢揚州之域小琉球在鳳山海中

刺竹風前燕語雙。蔗車絡繹過南邦。珊瑚樹裏人家穩。

一徑花陰護小尨。民居無牆垣植刺竹碧珊瑚樹庇之

鍼度東溟十一更。海門何處聽雷轟。航師不道風波險。

還有人從呂宋行。海程六十里為一更呂宋國在外洋

鷺島遙分大擔門浪花千尺幾聲吞今年莫怕麒麟颺

蘆竹生無指甲痕

蘆竹無指甲痕是年無風暴麒麟颺暴名

支分派別盡朝宗森森龍門日照紅寄語一封書上客

指南切莫向雞籠

一封書船名雞籠山近弱水舟至即沈

山根凹凸浸清漣帆影連翩逐晚煙鐵板沙頭君記取

挽船須使進招錢

鐵板沙最險土人以竹篠插入深處名曰招舟準此以行庶無碍焉

製得芬吹好嚼芬工夫茶熟氣成雲阿儂更啟檳榔盒

莽去人前學解紛

芬吹煙筒嚼芬喫煙也工夫茶用以敬客鄰右詬諍送檳榔消釋之

草碧王孫春意闌白楊烏夜幾聲酸劇憐魁斗山前月

為伴芳魂色更寒

明寧靖王五如殉節堇魁斗山麓

空囊賸有衍波箋。續罷瀛壖計百篇。律按黃鐘難競響。

推敲獨立對雲煙。

張侍御有瀛壖百詠
全郡於律爲黃鐘

靜鑒亭月下小飲

萬籟涵虛碧。方池月乍生。樹深雲易合。魚伏水無聲。竹
葉枯中滿。榕陰橋外橫。小亭饒靜致。一鏡鑒心清。

龍山沈釀泉。示蘭花卷。係南田老人贈余外舅之
筆。屬摹小帙。并和元韻。

客裏驚看秋草芳。龍山分種佩宜纒。卅年花事都成夢。
一片湘雲尙有香。滄海移情流古韻。瑤琴不鼓貯奚囊。

素心何處空畱影。澹遠堂

外舅遠山公

祖聲

前未許忘

海伽公小傳

公諱芳樹元諱芳選字雅香號海伽廷瑞公支十九世孫附貢生遊幕入閩喬寓山左墓親返里嘗自誦近況云鼠因糧盡傷心去犬為家貧放膽眠安研杭州通判汪某署中卒於館無後著述盡失茲校族伯桐雨詩鈔內坵和先府君詩四首急為錄入主擬附崇雅祠焉

七夕前一日同人招集倚雲堂彩橋即席有贈依

韻和之

管絃樂事久模糊風颺茶煙句好摹忽誦王郎新樂府

不禁背癢倩麻姑梅邨王郎曲為優人王紫稼作

檀板清尊一曲歌緣慳如我未曾過靈和殿裏風流樹

長使蕭郎繫夢多

鵲橋將渡佇佳期。隔水盈盈脈脈時。此會恐教天上妒。
雙星翻讓一宵遲。

畫壁旗亭遠市囂。酒闌賡詠調尤高。我身若也饒仙骨。
會見天台洞口桃。

浙江圖書館

浙江圖書館

男庾康

九豐

校字



浙江圖書館



浙江圖書館

Blue Cyan Green Yellow Red Magenta White 3/Color Black

TIFFEN Color Control Patches

© The Tiffen Company, 2007

Centimetres

1 2 3 4 5 6 7 8 9 10 11 12 13 14 15 16 17 18 19
1 2 3 4 5 6 7 8 9 10 11 12 13 14 15 16 17 18 19
Inches




浙江圖書館





浙江圖書館



Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

Black